



T2720/2961

18





皇明大政記卷之三十五

哈佛大學漢和
圖書館珍藏印

少師建極殿大學士臣朱國禎謹輯

大明穆宗契天隆道淵懿寬仁顯文光武純德弘孝莊
皇帝嘉靖十六年正月二十二日

上生子女中

御諱載

后

肅皇帝第三子母康妃杜

氏生週歲羅諸翫數取龍旗印石奉 肅皇肅皇奇

而愛之巳亥二月朔與莊敬太子景王同日冊爲裕

王是日五色雲見莊敬冊寶誤送 上所 肅皇聞

歎曰天命也莊敬既寇越二日薨中外係心焉丙寅

十二月 肅皇崩

上卽皇帝位頒詔大赦以明年爲隆慶元年

上凝重秀朗意氣豁如 肅皇執二龍不相面之說

召見顏稀閣臣禮部以立儲請 肅皇不懌自後群

臣無敢言者壬子出閣講讀癸丑大婚禮成立妃李

氏出居于邸凡十餘年妃薨繼陳氏小心敬畏出入

動遵禮法禁戢左右性寬仁周知民情景王就國薨

世宗無他子人心大定議內禪不果嘉靖四十五年十

二月十四日庚子 世宗賓天 上入主喪事辛丑

頒遺詔嚴京城守衛戊申京師地震二十六日壬子

卽位改元 釋戶部主事海瑞于獄 甲寅改造隆

慶大統曆

隆慶元年丁卯正月丁巳朔免朝賀封奏如常儀 舊例自元

旦至二十日節假免奏事封本至是以初卽位復

戊午御宣治門羣臣行

奉慰禮 議大行皇帝謚 已未議生母康妃謚

給事中胡應嘉乞復召對舊典仍令科臣隨入陳奏

納之 錄建言得罪諸臣 通政使樊深給事中丘樞楊思忠尹相魏良弼李用

敬陳墳吳時來周怡沈東顧存仁趙軌張選袁世榮御史何維栢趙錦張登高黃正色方新張檟凌儒申

仲王時舉馮恩郎中徐學詩周冕主事張翀董傳策劉世龍唐樞寺正母德純凡三十三人是日陳瓚而下各除原官

者十四人 第建言諸臣爲三等 戮死者爲一等兵部員外楊繼

盛中允郭希賢錦衣經歷沈鍊給事中楊允繩凡四人贈廢論祭次廷杖死者太僕卿楊最編修王思給

事薛宗鎧何光裕裴紹張原御史浦鉉曾翀葉經主
事周天佐午瑜臧應奎殷承敘凡十三人復職贈蔭
次繫獄戍黜死者左侍郎唐胃都御史李璋學士豐
熙修撰楊慎編修楊名檢討王元正贊善羅洪先大
理少卿徐文華給事中張翀張侃劉濟劉琦御史馬
祿程啟充盧瓊陳讓桑喬包節王宗茂余翺方一桂
員外劉魁郎中余寬黃待顯陶滋相世芳王與齡僉
事章鑰凡二十八人復職贈官吏部尚書熊浹諫止
箕仙御史楊爵彈擊權
倖與杖死者一體卹錄
贈熊浹少保謚恭肅 會

議郊社諸典禮及祔廟祔墓之制郊仍分祀東郊以甲丙戊庚壬年西

郊以丑辰未戌年親祭餘遣官籍田登極行之罷祈穀祭停南郊大享及帝社帝稷祔廟惟一帝

一后祔 癸亥左侍郎掌詹陳以勤上謹始十事

嘉納之 丙辰 上御官治門視事 定百官上元

假十日歲以為常 禁民間放燈 議起南禮部尚

書葛守禮侍郎趙貞吉郭宗臯都御史林雲同曹邦

輔左布政鍾卿副使曹金金立敬殷邁僉事謝廷蒞

等 復思怡沈束吏禮二科原職 停解湖廣先今

兩年贖錢修襄陽城堤 禮部請立 皇后 皇太

子 上諭立后即行 皇子年幼先錫名議冊立

復鄭王厚烷及鎮國中尉勤慰并其子朝埶爵 直

宿官軍改撥京糧 罷西苑督農侍郎歸司禮監

減香蠟之數一如嘉靖初年例 方士黃金等論死邵陶等皆追削

自陳戶書高耀致仕通政使吳三樂僉都趙鏗改

職侍郎丘岳等降調餘留用 侍讀學士王大猷姜

做閑住

前以御史尋方士秘法躡陞

復差巡漕御史

江南差御史一員江

北屬兩淮巡鹽兼攝

放各廠衛軍歸伍

乙亥上大行皇帝尊謚

詔告天下

革工部尚書徐

杲及其子又燦錦衣職

考察京官如例降調

召

葛守禮為戶部尚書起郭宗臯刑部侍郎前通政使

樊深復守原官

丁丑上 皇妣謚曰

孝恪淵仁慈懿恭順贊天開聖

皇太后詔天下

鄆懋卿充軍

匿嚴氏金

撤西苑諸宮

殿匾額 乙卯

聖壽梓宮在殯免朝賀

吏科都

給事中胡應嘉為民尋以原職調外

應嘉疏楊博考察不公以犯禁

特黜眾疑意出高拱蓋應嘉曾劾拱至是修怨也歐陽一敬等論救侵拱于是徐階改擬調外拱又疑一

敬之疏出于階自是構隙愈深

命齊庶人于南禮部保勘登冊

照各

王府減給婚娶銀兩

陞海瑞尚寶司丞

拾遺南刑部尚書

錢邦彥等仍任戶書高耀閑住

除藩邸莊田所加

稅額 釋趙祖鵬為民

二月丁亥朔

親祭大社

大稷 封皇親杜繼宗慶都伯李銘德平伯陳景行

固安伯 罷金海神之祭

考定朝儀

起林雲同

刑部侍郎

陞給事中周怡南太常少卿

各處歲

盤錢糧專屬巡按不會巡撫五年京盤者并入歲盤

給廷臣誥劾

當大賚國用詘乏宗藩勲戚用銀者從減各軍仍舊廷臣如上

乙未冊妃陳氏爲 皇后 登極恩徐階而下晉師傅

加賞 陳以勤張居正俱大學士入閣 戶部侍郎

祭太倉之神 順天府祭文天祥 太常寺祭姚恭

靖 議錢法馬政 加恩藩邸官較及內臣 贈延

綏副總兵黃演都督同知 死于 虜者 辛丑加上 孝潔

皇后 孝烈皇后尊謚推恩近侍 下徐杲獄追贖

發遣 大賚廷臣軍民人等 癸卯清明節分祭

八陵 起陞曹邦輔左副都協院 甲辰加謚元妃

李氏孝懿皇后 定孝潔皇后祔 世宗廟 別祀孝烈皇后

于景雲殿尋 改曰 孝 清內府匠役陞官者 工部主事劉

子延考察奏辯編口外 乙巳加謚長子爲獻懷太

子次靖悼王 罷玉芝宮歲時享祀 祭告日供 膳仍舊 遼

東總兵王治道禦虜破之 趙貞吉起吏部左侍郎

兼學士掌詹事府 減內府供應各項錢糧 乙卯

中宮千秋節免命婦入賀 三月丙辰朔 南禮部

尚書林廷機致仕 修乾坤二宮 降雲南提學僉

事前光祿寺丞萬廷言二級調外 給事中周廷選劾 尚書雷禮以私憤

中傷廷言外補禮疏辯部覆廷言不五年陞光 祿丞出之雲南猶爲儒臣禮安得與乃降調 裁

內官監增派銀兩 太監李 芳之奏 給事中王治上四事 謂一

睿宗不當位 武宗之右宜移 世 廟二議朝 三親輔弼四謹起居 給事中各鎮

賞邊 鑄給光祿寺各省監兌關防 督學御史耿

定向奏科場事宜 主考宜簡學行不論年資分考廣取正備卷更易品定文一篇不得

過六百字硃墨卷提學官查驗解禮部革監生血字號同生員彌封御史陳聯芳請重後塲以羅實學取

數不以分房為額數次第皆允行之 復舉人牌坊銀全給 三十七年扣減者

大理卿吳百朋加侍郎仍留南贛勦賊 壬申

世宗皇帝葬永陵 孝潔 孝恪兩皇后 孝烈為三 詳定一概

謝疏當停免者 鑄日本等國各宜慰司信符金牌

御史王得春條四事 一清宮闈一禁諂諛一慎題覆一慎貢獻 巳卯

上御皇極門復常儀 專祀 孝恪皇太后于神霄殿

孝懿皇后祔享 大學士徐階請開經筵命候勅

行 壬午冊貴妃李氏賢妃江氏 癸未遣太常寺

官祭泰山之神 毀紫極宮命建翔鳳樓 尋以閣臣言官力諫

罷建 陞吳嶽南禮部尚書 勅修 世宗實錄及開

經筵日講 虜犯遼陽 指揮王承德戰死 四月丙戌朔孟

夏享太廟 南官拾遺及大學士高拱 上以違例切責 拱供

職 召瞿景淳于南京為禮部左侍郎 都給事歐

陽一敬等屢劾高拱 南贛撫臣吳百朋奏沙賊求

撫許之 革錦衣官旗八十二人 宣大兵擣虜有

功賚馬芳等銀幣 郊廟諸祭太常寺奏日奏時

起尚書劉宗趙大祐于南工刑二部改郭宗臯兵侍

理戎政 兵部尚書趙炳然致仕 召郭 乾代 停止承天

府黃香米及進獻禽獸 定夏至祀方澤用卯時 各祀

皆有時惟 夏王始定 重錄永樂大典完 治延綏失事將官

罪 定議開新河 熱審出減囚徒 允起用吏部

侍郎林樹聲在籍調理 禮部尚書高儀請便殿親

政報可 卒寢 不行 丁未 御經筵 賜宴于會極 門賞金幣 復都

尉鄔景和原官 原任都給事中尹相魏良弼張選

御史馮恩主事劉世龍當起用以年老各加京堂銜

大理寺正母德隆加主事銜俱致仕 戶書葛守禮

請罷山東條鞭法均稅額從之 議太常鴻臚正卿

仍用進士 別途得為少卿任久加俸兩 房中書不得陞任大九卿 改南刑書

趙大佑南兵書叅贊 舉日講 刑部尚書黃光昇

致仕 贈前新建伯王守仁為侯謚文成周尚文太

傅謚武襄蔣冕而下補改 追奪顧可學等謚 套

虜數犯陝西 陞孫植南刑部尚書 五月乙卯朔

召南吏部尚書毛愷于刑部 河工成 陞林潤

僉都撫應天 辛巳 親祀方澤 復前大學士楊

廷和等官 王廷相梁材吳山劉詵聶豹程鵬江曉程 文德魯銳楊守謙商大節張漢孫繼魯

戶部請以錢糧冊文定式頒示天下 虜犯大同

拒却之 丙寅 上幸舊邸即日還宮 纂實錄下

提學官採取事蹟

免差京官

增固原遊擊一員

罷寶

抵縣採取魚鮮

令薦新上供俱光祿寺辦不遺內臣著為令

御史四人

分行天下查盤錢糧

御史齊康劾大學士徐階

降

級調外

大學士高拱乞歸許之

諭內閣秋祭幸天

壽山

徐階用諫得止

黜中尉知鷺等為庶人

停進內庫

錢糧

留太倉充邊費

賊劫湖廣寶康縣殺知縣張士勲

六月甲申朔

開館纂修實錄

許員外林喬相贈

其生母

嫡母在得贈生母始此

新河鮎魚口暴水

漂運船數百艘溺死

者無筭

葛守禮以母老終養

量釋高禱庶人

薊

遼春防事竣總督劉燾而下受賞

京師霖雨各御

史分賑

召南戶

部尚書馬森于口

部

劉體乾代

敘河

工加尚書朱衡太子少保僉都潘季

馴副都先後管

河官陞賞

議郊壇殿門等名不必更改

清查肉

府各監局積貯

戊戌水灾

上素服避殿修省

停各項工程

裁畿內冗官

起稍孔昭巡撫浙江

切責兵部官

操江官軍舊無給例部覆操江本故

朝覲官即賚

萬壽賀表

畿內山東大水

免各庄田子粒十之

五 議薛瑄王守仁從祀孔子廟

檢討許國給

事中魏時亮頒詔朝鮮

汰蘇松等處兵餉即改注

清軍同知為海防

七月甲寅朔

停南織染局徵

大政記 卷三十五
六
派工匠銀 修宣府南山邊牆 復前吏書李默職
祭塋 散遣浙江募兵停所徵軍餉 前後賜楊廷
和謚文忠蔣冕文定喬宇莊簡汪俊文莊王廷相肅
敏聶豹貞襄楊守謙恪愍孫繼魯清愍呂柟文簡鄒
守益文莊林俊貞肅吳廷舉清惠鄭曉端簡羅洪先
文恭楊繼盛忠愍石瑤改文隱爲文介彭澤襄毅何
孟春文簡楊最忠節翁萬達襄敏董玘文簡陶諧莊
敏何塘文定徐問莊裕章拯恭惠婁志德莊肅潘瓊
簡肅劉瑞文簡王道文定湛若水文簡仍各贈祭蔭
一子 諭吏兵二部遣大臣視薊州邊牆推兵部侍

郎遲鳳翔往并諭禮部祈晴仍避殿御門視事 修

理重城 侍郎趙貞吉行祭酒事 罷南京振武營

及將官家丁淮揚民兵 給事中韓楫上君道三劄

勵 聖志覈 聖政弘 聖智 盜劫威遠縣 改太和山提督內

臣關防停其分守 楊博一品滿九年加少傅兼太

子太傅 廷臣分祭陵墳嶽瀆等處 辛巳紫荆等

關雨雹 害禾稼 七十里 朝鮮使臣以 駕幸太學乞留觀

許之 下各省招撫流民 虜入宣府擊却之 允

趙大祐終養 八月癸未朔 上幸太學祭酒司業

坐講如儀 給事中吳時來上言河事 河決降朱

衡俸一級 復王忬官 戊子 上親祭大社大稷

太常少卿周怡疏五事降山東 僉事 賞薊鎮修邊將

士 癸巳日講 甲午御經筵 節烈五人 裁革

各監局官臣及山西南直隸廣東浙江冗員 遼東

擒賊黃勇 召譚綸于廣東 贈先朝言事得罪官

申良等惟馬從謙所犯比子罵父律不許萬曆十九年始得贈

祭 改漕運總督張瀚於兩廣方廉代 九月壬子朔

復太監呂周等坐團營尋罷 虜寇大同進至山

西偏頭關 官軍戰靖虜堡有功 癸酉虜陷石州

殺知州王亮采 罷宣府副總兵任勇陞董一奎代

山西副總兵田世威條安攘大計下兵部採行會世

威失事下 獄寢之 虜入薊鎮大掠昌黎等處 宣大總督

王之誥住懷來保定巡撫曹亨移通州備虜 更造

車里等處金牌 縣破虜賞格 虜入陝西 工部

整覈攻守器具 左侍郎遲鳳翔督兵駐昌平 大

學士郭朴致仕 逮治南監生沈應元等正罪革 卅 字號

勸薦額四之三 遮 詈 試 官 監 生 編 號 如 舊 行 總兵官李世忠援永平有

功 西虜掠交汾等處 京師戒嚴 罷湖口縣新

設料廠 十月壬午朔 日講畢問大學士徐階邊

事 兵部尚書郭乾虜患被劾罷歸遲鳳翔降三級

丙戌虜始出邊撤通州兵 丁亥停經筵日講

奪遼王道號賜印 陞三邊總督霍冀為兵部尚書

山西薊州失事住督撫俸聽勘總兵皆奪官 查

江南詭寄花分諸弊立冊改正 甲午免永平糧銀

及海口治河之役 以被虜尤甚 起副使李攀龍於浙江

陞王崇古總督陝西三邊 改南吏書劉采於南

兵部 召戚繼光協理戎政 薊遼總督劉燾回籍

給事中魏時亮請祀薛瑄陳獻章王守仁於孔廟

下部集議 逮失事鎮巡王繼洛耿隨卿李世忠申

維岳至京 并下保定都司吳光裕永平遊擊齊進忠於獄 起朱笈撫寧夏

陞劉祐撫大同 南吏部侍郎陳陞勘估 皇陵

工費卒于鳳陽 起總兵郭琥守永平山海等處

改南禮部尚書吳獄於南吏部 陞曹邦輔總薊遼

調劉應節撫順天 定九門稅課分屬五城御史

委兵馬官監收 下前宣大總督楊順巡按路楷獄

論死 以殺沈鍊順死獄中 薊州屬夷撲哨卒殺叅將吳昂

諭閣臣詳議東西二邊虜寇 寧夏擣虜破之 陝

西盜劉孟湖等就擒 減太常光祿厨役內府官匠

起王國光撫河南 給事中陸鳳儀言事黜為民

引聖諭擅改數字 陞趙貞吉南禮部尚書 古田賊辜扶

枝就擒 增築通州月城 副將田世威等下獄

山西總督王之誥回籍 十一月壬子朔 封署國

事李昫為朝鮮國王 時李昫卒諡恭憲昫其任也 起陳其學總

督宣大山西軍務 革廣東總兵湯克寬任聽勘切

責總督張瀚 辛酉閣臣徐階等上備邊十三事褒

諭議行 癸亥冬至 親祀園丘奉 皇考配還御

殿行慶成禮 改隆慶殿為慶源殿隆慶州為延慶

州 避年號 譚綸回部管事 以知兵將托以薊鎮 裁江西冗官

十二月辛巳朔 命廷臣博訪人材 纂修玉牒

裁九江分巡僉事并於饒州兵備 禁撫按官詞

訟不得發軍職及異塗官 汰錦衣軍較及監局冗

濫者 仍通遼陽海運 考閱三大營將領 復夏

言官 工部主事楊時喬上言時政 幾之當慎者三弊之最重者九

勢之偏重者三 災異修省 查內庫太倉糧銀出入之數

滄州鹽山縣丞王邦直上十事 上以其言多切時弊下該部詳議勿

以官卑廢言 再錄建言得罪者復吏部尚書萬鏗副都

江潮等官加贈 論薊鎮功罪總督劉燾降二級巡

撫耿隨卿斥為民總兵李世忠發戍 遼東總兵王

治道陞都督同知巡撫魏學曾加副都

隆慶二年戊辰正月辛亥朔 減內府加贈米四千五

百石青白鹽三萬斤

太監李芳之奏

遣官代

太廟春祭

徐階疏諫親祭

太覲考察賢能官獎賞貪者逮問

俱下撫按官行之

給事中張鹵乞覈建言郵錄未盡者

禮部

復分三等見重鄉評者上無疵者次營私敗名者下

兵部左侍郎吳桂芳疾

歸 通永平海道領運天津

派薊鎮十萬石與之以永平民運及太倉年例

抵還 革正一真人名號奪其印

陝西副使姜子羔

請朝覲官各獻羨餘不許仍禁科派累民 改設

皇太子座於文華殿東廊西向

舊設殿中以易黃瓦上御經筵設寶座

改之 浙江撫按趙孔昭等請革水陸兵八千人減餉

十四萬有餘省寧

兵備官歸其事於海道

復前

紹興知府黃綰職贈太常少卿

諫武宗南巡庭杖劾陳洸讞其獄詞被

逮吏死

刑部左侍郎樊深致仕

鳳陽南山賊殺鎮

撫等官

給事中石星上疏條六事杖六十為民

以訕

上無禮

給事中王璽條內庫之弊議革 二月辛巳

朔 南刑部侍郎吳悌卒

論石州被虜功罪

總兵申維

嶽田世威參將劉寶坐斬巡撫王繼洛副使王學謨謫戍總督王之誥降二級餘治罪有差游擊方振參

將尤月力戰陞賞

乙酉皇第四子生

大學士徐階再滿

九載命支伯爵俸蔭子錦衣正千戶宴禮部

允辭部宴伯俸

建旌忠祠于保定府祀楊繼盛

發奉國將軍多

焊于高牆

會薦邊才一百八人酌量任用

奪黔

國公沐朝弼調兵火牌

添其事于巡撫勅中

壬辰御經筵

復山海關主事游兵

定江陰縣鱗魚折價

先萬斤止貢五

斤 虜犯柴溝堡等處守備韓尚忠戰死

巳亥

親祭先農舉籍田禮

行開納事例于延綏榆慶四

衛 召南京禮部尚書趙貞吉掌詹事府

林嫌代

選

恩貢生 承天府茶鮮以莊田租銀易無得擾民

陞鄒應龍唐繼祿副都龐尚鵬僉都理各省鹽政

改石州為永寧州

丁未

上發京師謁陵

巳酉

上在山陵

諭輔臣邊事令總督鎮巡官條上方畧

量免所過田租

庚

戊 親祭

長陵

永陵

諸陵分遣即日

駕還

京 三月辛亥朔

陝西河南地震

大同總兵孫

吳擣虜有功

仍命太監往蘇松織造

辛酉立

皇太子詔天下

起吏部侍郎林樹聲原職

改譚綸總督薊遼

內府物料俱照嘉靖初年不

得增加

策貢士田一儁等四百二人賜羅萬化黃

鳳翔趙志臯以下及第出身有差

主考大學士李春芳尚書殷士儋得

習孔教徐大任張位張一桂趙欽湯陳于陞田樂沈

一貫蔡文範郭思極王鼎爵沈思孝劉伯燮張嶺李

維楨朱孟震張偲喬因阜徐顯卿王用汲方沆楊道

會余懋學李順李戴李樂劉東星吳自新李長春范

謙陳允升許承周朱賡陳昌言徐一欝金學曾賈三

近張孫繩邵陞蔡汝賢韓世能鄭汝璧賈待問王體

復于慎行陳渠李尚思戴耀張朝瑞王家

調廣西

總兵俞大猷于廣東

以曾一本等作亂

聽降右都王之誥

劉燾各奪一官分東西路巡視邊務

尋停

遵化縣地

震

雷電雨雹如雞子積厚寸餘

丙子

上幸南海子

荒蕪即日還

起王遴撫陝西

戊寅京師地震

連及永平遼東登州皆震墮寧遠城

樂平縣地裂出黑水

四月庚辰朔

鑄太倉銀

庫各兵備鹽法關防

奪承天府元祐宮田租入官

陝西地震

傾壞城郭死者甚眾

宣府修邊工完

貴州苗

平 檢討成憲給事中王憲頒詔朝鮮

延綏為事

官趙岢出塞捕虜有功復祖職

許國子生郭禹收

葬其父郭希顏

首藏南昌天寧寺中

五月庚戌朔

戚繼光

練兵薊州

從總督譚綸奏分為三營浙兵三千實之

貪酷為民已追奪

誥命者不許封贈

准王守仁伯爵世襲

刑部贓

贖銀送戶部濟邊著為例

改貴州巡撫嚴清于四

川 節婦四人

丙寅親祭方澤

王之誥疾歸

追論光祿寺丞胡膏罪下御史問論斬籍沒

虜入

寧夏大掠 六月己卯朔

選徐顯卿等三十人為

庶吉士 革揚州叅將

蠲河東積欠鹽課

陝西

地震賑卹

薊遼總督譚綸條三營事宜

勿使巡按巡關攙與

報可 改僉事周怡為南司業

汰錦衣冗役三百五

十餘人

給薊鎮火器及戰車銀兩

廣東盜曾一

本寇省城

殺聽調知縣劉師顏

七月戊申朔

諭內閣申飭

防秋 巡按巡關仍閱視三營

盜入廉州府劫庫

殺傷官軍

劉燾添註兵部左侍郎

刑部左侍郎

洪朝選錦衣指揮僉事程堯相勘遠王憲燬罪狀

復故錦衣千戶李拱宸沈欽盧永昌原職

皆議大禮請成者

勅庶宗知煥自盡

丙辰發京營兵一枝守通州

中城御史李學道為內使所毆

管內臣許義朝罷被毆于左掖門外

命執內臣十餘人為首杖一百充軍餘六十發 孝陵衛學道以擅笞調外

都給事中

魏時亮上三大患

宗祿不給邊餉不支公私告匱

閩廣勦魯一本

破之

給事中張齊劾大學士徐階調外

丙寅允

大學士徐階致仕賜

勅護歸

諸大臣及科道請留階報聞

張

齊受賊事發逮其父子于鎮撫司

左都王廷所奏後為民

斬

福建指揮僉事傅應嘉

受賄縱海賊吳平

兩廣總督照三

邊例行事

起谷中虛撫浙江

禁進貢內臣多用

馬船 除大名真定馬地餘銀

台州颶風大作

海水

驟溢溺死三萬餘人

絳州西北天裂

自丑至寅乃合

八月戊寅朔

雲南叛酋鳳繼祖伏誅

癸未開日講

己丑開

經筵

優錄宣大降人白春等仍定招降賞格

陝

西盜魏大清劫掠

褫巡鹽御史孫以仁職

侵鹽價數千為

僉都龐尚鵬所劾

復誠意伯劉世延爵

大學士張居正

上大本急務六事 寧夏把總哮拜邀套虜於山後

斬酋長九人 九月丁未朔 廣東總兵湯克寬下

巡按逮問 失事 被劾 侍郎翟景淳致仕 召回江南及

山西屯鹽都御史鄒應龍凌儒責成所在撫按江北

都御史龐尚鵬總九邊屯鹽如故 盜竊太倉庫銀

通查實數定管庫主事三年一易銀三千兩一匣 旌山西石州生員喬芝

母命婦蘇氏及其女貞烈 還曾銑沒官田地 裁

定入覲官路費 三司官遠者百五十兩 近者八十兩餘以次減 預開明年

中邊鹽引 少傅工部尚書雷禮致仕 兵部覆張

焄正疏請大閱許之 河道尚書朱衡還部起翁大

立代 增武舉額一百人 議大征廣賊 十月兩

子朔 南京內使張進朝請勅選宮女 儼 斬 革南太

僕少卿一員 巳亥廢遼王憲燭為庶人送高牆國

除 災傷免畿內河南秋糧 十一月丙午朔 宣

府帥馬永襲虜于長水海子敗之虜追及復戰又敗

之 京官考察行堂上官覈實註考語送部院叅詳

定任子陞官例 不堪民社者得陞太僕丞 運同有才識者得陞叅政 免江

西災糧 逮閑住太監李芳杖八十錮刑部獄 芳數 以直

諫忤 旨 戊辰冬至 上大祀園丘 盜劫四川犍為

隆昌二縣 十二月乙亥朔 太原府靜安縣民李

良雨化爲婦人 江西巡撫劉光濟奏行一修鞭法

陞劉燾右都總督兩廣 改朱笈巡撫大同 都

給事中魏時亮上三劄 一先憂一養 士一久任 諭兵部邊鎮

每十日一報虜事情重大者不拘時 庚寅 世宗

皇帝祔廟 靖江宗人大譁于王府 旌節孝二十

二人 限勲戚莊田 魯王德王各辭減祿米賜勅

獎之 給各鈔關關防

隆慶三年己巳正月乙巳朔 終養南兵部尚書趙大

佑卒 大同總兵趙崙出弘賜堡遇虜敗之賞賚廕

子 敘閩廣勲寇功 薊昌保定都督戚繼光上言

練兵事宜 并請浙兵合練從之 薊兵雖多亦少 之原六不練六失雖練無益四失 召

還總兵郭琥專任繼光 南兵弗調餘 下督撫詳議 虜犯遼東

馬芳請辭蔭子贖田世威劉寶罪不許 增設廣東

長寧永安二縣 戶部尚書馬森致仕 母老 求退 御史

詹仰庇請慰問 中宮 上諭中宮因病移居仰庇 多言不究給事中王之垣再

以爲言報以 病愈還宮 二月乙亥朔 召南戶部尚書劉體

乾于本部 戊寅 親祭大社大稷 南祭酒姜寶

條監規八事 添錦衣官二人守壇廟禁門 己卯

發南京太監邢保充淨軍 輔國將軍厚燦銅高牆

復給進表官勘合停路費 駙馬都尉鄒景和卒

薊遼總督譚綸請築墩臺三千座以三年畢工 譚綸

條薊鎮練兵事宜 丙戌開經筵次日日講 停太

監閱視京營舊例三年一遣至是以大閱免遣 荆世子常泠降庶

人送閑宅殘賊濫縱 浙江歲造軍器悉解折色 刑部

侍郎洪朝選以拾遺致仕尋奏辨閑住 庚子 親祭朝

日壇 賜衍聖公孔尚賢勅統東家眾 三月乙巳

朔 西安等五府旱荒盜起 旌周府汝寧王勒秋

妾劉氏貞烈 更名貴州新遷省城程番府為貴陽

府 定各處鹽司官久任 延綏擣虜有功 存問

戶書方鈍南吏書楊行中刑書應大猷 旌表修撰

羅萬化祖母朱氏 皇親賜田照勲臣例有司代徵

廣西討宜山獍賊破之 廷臣告病者吏部覈實

不得概覆 增設定南縣隸贛州府 起趙炳然于南都

察院 廢靈丘王鼐鑣為庶人 廣東大埔縣賊平

旌武進縣節婦蔣氏指揮僉事劉廷璽妻年二十五夫死至是百歲旌其門曰

貞壽 復故兵部尚書丁汝夔都御史呂經以下六人

官 裁山東運河各夫役六千餘名 虜犯宣府馬

芳禦却之 海賊曾一本勾倭入寇敗將周雲翔等

殺叅將耿宗元執通判潘槐與賊合奪總督張瀚一級撫臣熊倬等

戴罪勦賊雲翔尋伏誅 定各王府傍支不許襲爵其先襲者

免革 黔國公沐朝弼開住

以其子昌祚領鎮事俟勘明承襲七月中加昌

祚都督 僉事

廢景陵王載塏為庶人

四月甲戌朔

復前尚書李士翱等官贈蔭祭葬

遼陽副總兵李

成梁破虜于夾河山城

獲賊首張擺失等一百六十餘級

黔國公

莊租歸有司徵給

改趙孔昭督漕

選宮女三百

人 允起用吏部侍郎林樹聲在籍調理

取太倉

銀三十萬兩內用

閣部力諫減為十萬

寧夏總兵雷龍出邊

襲虜破之

陞總督王崇古右都雷龍署都督同知

查汰內府工匠二

千餘人 起游居敬南刑部侍郎王之誥協戎政府

開湖廣竹筒河

瀉漢江之勢

貴州叛苗龍得鮓就擒

五月甲辰朔

議京營訓練事宜

寬京師僉報

商人 改鑄南京 鑿引銅版 延綏口北馬營大雨

雹

殺禾稼七十里

併北京屯差于印馬

御史詹仰庇疏

查內官監錢糧

逮杖一百為民各監局科道悉革去

存問南吏書王

學夔南刑書陶尚德 增土魯番貢使賞賚 儀制

郎中戚元佐條宗藩五事

下部移各王府詳議以覆

設山海關

叅將 豫開明年各處鹽引 礦賊入婺源縣焚劫

裁判瞿道僉事

革濟寧工部主事

辛未 親

祭方澤 兩廣總督張瀚憂歸 六月癸酉朔 截

武庫主事一員 各鈔關添委府官一員同收 陞

海瑞僉都撫應天 獎原武王睦懋賢行 予告兵

部尚書趙炳然卒 閏六月癸卯朔 截戶部主事

三員 兩廣督撫劉燾熊桴請募浙兵五千為先鋒

征賊歲一更換 雲南叛酋鳳曆伏誅 裁江西驛

傳副使一員 陝西盜何勉殺百戶魯卿巡檢黃鸞

勉尋就擒 真保淮濟徐沛浙東西江南北大水

四川妖賊蔡伯貫作亂 尋討平之 七月壬申朔 定文

武官卹典 減入貢番僧賞賜 河決沛縣抵徐州

阻運艘 裁山東曹濮青州二道兵備各一員 太

常卿陳慶申明部寺職掌覆議仍舊 修理乾清宮

諭戶部賑沿河被災地方仍酌量蠲免 致仕侍

郎瞿景淳卒 修理重城 停造明年鰲山燈 八

月壬寅朔 金星見南方 親祭夕月壇 戊申

親祭大社大稷 庚戌日講 截南京戶部刑部大

理屬官八員 束鹿縣大水 癸丑御經筵 廣寇

曾一本平 敘功加總督右都劉燾為左都廕子餘陞廕賞賚 設戰車營于

遼東之廣寧 四川草坡番平 趙貞吉兼文淵閣

大學士辦事 山東王府各建立宗學 奉國將軍

俊榔降庶人 清晉府屯軍私撈鹽池通盜者 九

月辛未朔 總河翁大立請于徐州房子山梁山至

境山別開漕河八十里集議行之 水災悉蠲沿江

蘆課 虜犯大同 淮水沂水漲溢 翁大立繪濱

河水災圖以獻 戎縣都蠻出掠 傳旨宥副總兵

田世威叅將劉寶死充軍立功 裁南戶部司官二

員 廣東兵勦賊首郭明等平之 藉平涼黔公草

場補韓府宗祿 獎諭晉王新墾濬王恬燦等學行

存問前南戶書孫應奎時年八十

辛卯 上大閱京營教場勅諭戎政官及諸將士 十月辛丑朔

彗星見天市垣至二十日滅 補三大營官軍滿

十萬 南直隸浙江山東河南水災各與蠲折 革

嵩縣添設叅將 十一月五日甲戌冬至 親祀南

郊免慶成宴 傳諭戶部問開納及戶丁鹽糧所入之數

具呈進覽 錄寧夏擣巢功 南給事駱問禮疏十

事降邊方雜職 京師地震 巡城御史楊松降三級中兵

馬司以鬪毆捕內使黃雄送松 上以不奉 旨擅拘降松雄發南京兵馬為民 合四川

茶鹽水利為一道 宣府總兵馬芳破虜 禮部尚

書高儀病歸加太子少保 順天州縣水災量免屯

糧 遼東巡撫魏學曾病歸 復設廣西巡撫陞按

察使殷正茂為之 十二月巳亥朔 命廠衛察部

院政事諸大臣皆待罪求去不允 掌詹尚書殷士儋回禮部

元氏縣典史楊儀許文選員外郎及撫道知府官黜
為民部運至京以陞倉大使不平 方逢時僉都撫遼東 陝西

賊郭孟行何術等皆平 汰錦衣冒濫官旗一千餘
人 起陸樹聲教庶吉士 巴西起少保尚書吳山

於南禮部 乙卯少傅吏部尚書楊博致仕以留屯鹽都御

史龐尚鵬切責 龐尚鵬閑住行撫按官分理不再差 遷

雲南和曲州於武定府改州治為巡捕館 戶部尚書劉體

乾乞纂經費成書刊行許之 庚申起少傅大學士

高拱仍閣務兼掌吏部事 定恤典條例 乙丑尚

寶司丞鄭履淳以災異疏諫杖一百繫獄四年熟審與內官李

芳俱釋 節婦十一人 下延綏總兵董一奎巡按究

問

補遺

元年正月初七日傳免朝十一日傳又如之給事中

魏時亮疏諫畱中 二月定遼東總兵冬驛遼陽以

援海州冰解駐廣寧 議錢法新舊通用禁偽鑄惡

濫者 大學士高拱祀先師 三月御史龐尚鵬請

御文華殿延見宰輔李叔和請敬大匡以圖治道周

弘祖請勒政事給事中魏時亮馮成龍周世選孫枝

各以勤政御朝請俱報聞 酌定昌平密雲糧運事

宜 三月贈前刑部侍郎劉玉尚書謚端毅 四月

吏部尚書楊博疏陳吏治嘉內行之 五月吏部主

事部諫臣上四事 六月釋高牆庶人充照等 起

殷邁為浙江副使督學 七月大學士陳以勤祀先

師 免行刑 十月甲申金星入南斗 十二月瓊

州賊李茂等作亂知府王可大撫平之

二年正月江南訛言選官女 杭州大火 三月殿

試內閣定李長春王家屏田一雋為首甲 上親改

羅萬化等 五月賜前山西巡撫趙時春祭 五月

變賣種馬之半 六月停真定抽水內臣 七月申

飭屯鹽之法 八月都給事何鳴起條四川茶鹽二

事 十一月江西南贛撫臣劉光濟張紳會勦萬羊

山賊 江西行一條編法 十二月給事中李巳請

斥尚衣太監崔敏不聽

三年正月提督京營戎政鎮遠侯顧寰引疾乞休不

許 時將大閱 左都王廷覆定犯姦條律 工部尚書朱

衡請察監局之費 三月庚午土星逆行犯太微垣

上將星 給事中吳時來上保泰九劄 閏六月南

吏部尚書吳嶽疏陳六事 九月戶部尚書劉體乾

大政記 卷三十五
上大倉及各省歲發兵餉與本鎮屯糧之數 十一
月諭戶部奏開納銀數

皇明大政記卷之三十六

臣朱國禎謹輯

隆慶四年庚午正月己巳朔日食免朝賀 大同趙哥

宣府馬芳兩總兵大同李秋遠東方逢時兩巡撫各

換鎮 改京營總兵鎮遠侯顧寰督漕恭順侯吳繼

爵代 都督同知雷龍鎮延綏 兵部奉詔上安攘

十事 蠲嘉靖四十四年前各處積欠馬價 復兵

部尚書許論原職 戊寅取戶部銀十萬 內庫以空

取銀尚書劉體乾執奏 廣東海寇許瑞擒賊林容

防欺蔽有旨進銀如數 都督牛秉忠鎮寧夏 大學

士趙貞吉疏分五營練兵收戎政印下兵部集議尚書

霍冀謂營制不必更收印依議三大營以三將官領之各降勅一視設文大臣總理從之南祭

酒姜寶劾助教鄭如瑾魏國徐鵬舉愛其庶子那寧賄如瑾奪長求立詔黜為民

停鵬舉俸一月那寧及其黨罰治廣東兵破荔浦賊韋公海等

給事中舒化疏論應天巡撫海瑞言其迂滯不通變乞與兩京清秩報

以節用愛人勤事任怨留用定選光祿屬官以舉人知縣教官及例貢為之

天變禁張燈 改陝西總督王崇古于宣大山西

左都御史王廷致仕 陞戎政侍郎王之誥右都總

督陝西 倭及寨賊破廣海衛城 二月己亥朔

大學士趙貞吉掌都察院事 四川都蠻阿大等寇

掠 刑部尚書毛愷致仕 侍郎王希烈請罷景惠

殿三皇之祀報寢 湖廣土舍覃壁作亂 掌部事

高拱掌院事趙貞吉俱免奏事承旨 丁未開日講

李遷侍郎兼僉都總督兩廣 起葛守禮刑部尚

書 起汪道昆撫鄖陽 兵部尚書霍冀被論訐大

學士趙貞吉貞吉疏辨上治蘇松水利 陞曹

邦輔左都閱視京營時更協理為閱視推舉邊材為三營

大將 起石茂華撫山西 兵部侍郎楊巍母老子

假 盡復夏言原官賜祭葬謚文愍 濬南直隸吳

淞江白茆塘 更築陝西省城并濬涇陽縣洪堰給事中

戴鳳翔劾海瑞

覆瑞志大才疎以原官調總南糧儲陞朱大器代

高拱請

增兵部侍郎擇司屬及陞遷格許之

冊英妃魏氏

淑妃秦氏德妃李氏莊妃劉氏端妃董氏惠妃馬氏

貴州兵勦安國亨敗績

四月中報聞巡撫王諍回籍聽調總兵安大朝戴罪

立功

恭順侯吳繼爵都督僉事表正焦澤充三營大

將 河南水災留馬價銀以賑

丁卯改南戶部尚

書郭乾于兵部 三月戊辰朔

南刑部尚書孫植

南祭酒姜寶誠意伯劉世延聽勅

鄭如堦喉給事中王貞劾魏國立愛

事實亦與知植訊報不詳世延獨受重賄蓋因世延而牽寶植也

禁提學憲臣聚

徒講學

祥符知縣謝萬壽酷刑黜為民

恭順侯

吳繼爵辭京營總兵不允

耻與流官為伍

三營大將俱用

勲臣

申定將官相見禮儀

起尚書黃光昇南刑部

陞王遴

兵部協理左侍郎 改熊汝達巡撫浙江

寬積穀

之例 改操江都御史吳時來于廣東

廣西土官

黃賢相等作亂尋就擒

鑄隆慶通寶錢

壬午改

三營總兵官為提督

內批定西侯蔣佑平江伯陳玉謨同恭順侯為之

南

京加造段匹十餘萬

給事中龍光執奏止造供御三分之一餘准歲造之數

遷貴州思南府城于平溪縣

定巡按所屬佐貳有

過者量輕重按問驅逐每季具題

裁南京湖廣冗

官

裁南京督糧都御史歸于南戶部侍郎仍設巡

倉御史一員 留蘇松四府罰贖及河工銀賑饑

四月戊戌朔京師地震 張翀以原官撫湖廣 裁

廣東巡鹽僉事歸于清軍道 勲衛與巴襲年三十

以上者聽京營文武教習 都給事中溫純奏選督

撫兵備等官行之 河道都御史加提督軍務轄所

屬兵備官 大學士趙貞吉疏留四川撫臣嚴清清

陝西零賊遞入四川劫掠被劾貞吉疏 虜寇山西

宣大皆拒却之 以鎮平王府鎮國中尉睦懋為周

府宗正載堂趙府宙楨唐府載壘崇府各如例從河

南撫按官舉也鄭府及方城萬安建德等府 允起用陸樹聲請告 高拱請卹

京商錢法聽從民便下部 清華軍官冗祿 京營

吳繼爵請改文臣開視為提督許之 陞阮文中僉

都撫貴州 宣大雨雹厚二尺餘 五月戊辰朔吳時來

以操江濫舉調外任定陞遷行取及任 京營左都

曹邦輔專督五軍營劉燾督神樞營陳其學督神機

營 給事中李已陳吾德疏諫年例買辦金寶已杖

繫獄吾德 大祭方澤遺朱希 陳大賓侍郎總河

裁廣東巡撫以總督李遷兼任 南戶書譚大初

致仕劉自 改主事雜遵陸樹德等為科道官 南

韶賊劫掠討平之 修陝西大邊 沐昌祚襲黔國

公 六月丁酉朔 大學士高拱請定邊方州縣選

有才力者任之 三年為率比內地加等陞遷從之 允前大學士李

本奏復呂姓 築湖廣宜章縣香口嶺城 地遠 雜夷 加

李春芳少師 六年 考滿 追奪前浙江巡按龐尚鵬官 段

粗糶布按 各降二級 浙江沿海軍衛糧改徵折色 逮兵馬

孫承芳杖六十黜為民 內官李陽春殺人棄屍 為芳所發誣奏反坐 禮

部左侍郎萬士和致仕 大學士陳以勤疏陳六事

優詔答之 淮河工畢 申定薦舉格 凡陞任俸淺 例當久任者

不得 與列 辛酉雷擊園丘廣利門吻 改大學士張治

謚文隱為文毅 量減薊州班軍 時已練 兵二枝 七月丁

卯朔 令章奏務存簡質 辛未始註選河南山東

京糧道叅議 王府官六年考察如京官例 都給

事溫純上四應七議疏 申養病官員事例 到部在 三年之

外雖稱三年內給文仍照違限罷職其三年 赴部而又稱中途患病者照有疾致仕 添設三

營副將各一員革叅將佐擊各一員 勒罷戶部尚

書劉體乾陞侍郎張守直代 劉燾被劾致仕 戊

子少傅大學士陳以勤致仕 賜勅護行加兼太子太 師子編修于陞侍歸

南工部尚書林雲同疾歸曹亨代 督漕侍郎趙

孔昭還部陞陳炯代 海鹽縣海塘成 存問戶部

尚書馬坤方鈍 侍郎游居敬請從祀羅從彥李侗

疏辭冗長
奪俸三月

免昌平州寄養馬三年
允太師成國

公朱希忠辭免府任

監實錄經筵
侍班如故

八月丙申朔

起潘季馴總河代翁大立
城河西務
江西試士

疎死者六十餘人

赴御史
求試

虜警京師戒嚴起劉燾

駐守通州督援兵
癸丑日講
吏部侍郎靳學顏

協理兵部
陞栗永祿副都防護山陵
侍郎戴才

督餉
釋李巳于獄
南兵部尚書劉采致仕
九

月丙寅朔改南吏部尚書吳嶽於南兵部
尋致
仕卒
大

學士高拱極論先朝得罪諸臣不宜槩擢顯
先帝

之過
上是而褒之
浙江撫臣谷中虛乞加主事

唐樞秩
高拱
寢奏
定五城兵馬指揮用科貢正塗
削

前太保陸炳職籍其家
子澤任緒弟太常少卿焯俱
為民御史張守約所劾新鄭

意也宅與產分
賜皇親李銘等
陝西大水酌量蠲賑
河決邳州

淤百八十里
令管河官
戴罪疏濬
畿南水旱量免秋糧
大

虜伺邊備嚴俱引去
致仕南戶部尚書孫應奎卒

大同叅將錢棟襲虜被殺
朝審數多分為二日

陞王本固南吏部尚書
祀禮部尚書歐陽德于

其鄉
虜犯遼東總兵王治道叅將郎得功力戰死

治道贈少保左都督謚忠愍得功
督同知皆立祠蔭子襲陞三級
審錄改儼方士

王金等左道律宥死編口外
大學士
高拱奏
分榆林為東

中二路添設副使 復京營舊制溫純之疏 十月乙未

朔 令輔國將軍縉熿襲封肅王仍支將軍祿其次

子授本等封爵嘉靖中肅懷王薨無嗣熿其從父例不得嗣賂太監陳洪得許部科爭之

不聽 城雲南澂江廣西二府 陞李成梁署都督僉

事鎮遼東 癸卯虜酋俺答孫把漢那吉來降以為指揮

使 改南戶書劉自強于南兵部 召臨淮侯李庭

竹于團營譚綸協理戎政陞劉應節代 劉燾告歸

允吳山黃光昇致仕二人起用久不赴任 奪漕運總兵鎮

遠侯顧寰河漕侍郎趙孔昭翁大立俸各半年漕運阻塞

起原任副使張學顏于薊州 鎮遠侯顧寰老疾

辭任平江伯陳王謨代 尚寶卿汪宗凱請申飭守備 京

營大臣開館教習勲冒 曹邦輔潘晟陳其學為南

戶禮刑三部尚書 副使楊兆陞僉都撫薊州 御

史葉夢熊降二級調用論把漢不當納且予官 丁巳諭高拱

考察科道 巳未趙貞吉疏止考察高拱請會同都

察院許之丙辰李本掌部不 壬戌考察黜降二十七

人張檟周希旦魏時亮周世選陳贊劉東星耿定向被黜溫純舒化楊一魁外轉 俺答率

兵索那吉拒却之尋輸款 延寧擒虜有功 十一

月乙丑朔 御史蘇士潤疏山東鹽法事宜 巳卯

冬至 上祀圜丘行慶成禮大宴 大學士趙貞吉

大文已 卷三十六 二

病歸 殷士僉燕文淵閣大學士 改葛守禮左都

御史 南禮兵尚書潘晟劉自強改北禮刑二部

南禮部侍郎孫錠卒 十二月甲午朔 陝西總督

王之誥為南兵部尚書陞戴才代 虜執叛人趙全

等九人來獻索那吉許之即遣歸 致仕戶部尚書

馬坤卒 改員外張思忠等為科道官 罷薊州採

礦 巳酉旌舉人馮行可孝行 馮恩之子及孝子生員楊騰節婦十一人

申明朝儀禮制 左都葛守禮以畿南水患請修

橋梁開屯種下部議行 議定兩淮鹽法 獻俘陞

賞督撫戶兵部而下仍論內閣功加秩力辭不允

隆慶五年辛未正月甲子朔 旌入觀卓異十五人易

宴及衣鈔 覈來朝官通賦分別多寡駐俸降級

湖廣土寇覃壁平 調廣東總兵郭成討四川山寇

科道拾遺 僉事蹇達與焉 二月二日甲午文武群臣并

入觀官謁 皇太子于文華左門 左都葛守禮疏

禁奢侈厲風俗十事 陞副使張學顏撫遼東 戊

戌 親祭大社大稷 巳亥開日講 增設惠潮叅

將一員 總督王崇古上封貢事宜下部議行 御

史汪文輝疏論治體四事陞僉事 河漕都御史翁

大立趙孔昭被劾回籍 時太立巳與潘季馴交代准回兵部 處州生

員毆分守方岳戍爲首者 侍郎游居敬府尹姚一

元致仕 都御史調副使吳時來閑住 以舉人趙

蒙吉爲國子學正 大學士貞吉之弟祭酒姜寶薦其學行 廣西省城

地陷數處 復命鎮遠侯顧寰總督京營 遼東巡

撫毛鋼奔喪不候代被劾 服滿日降一級調外 增陝西叅議

僉事各一員府佐而下各數員 地曠事冗從布政曹金之言 內

使督造陝西羊羴 給事中笄東光閑住 言事狂悖發疾走入

會極門大呼 已未冊皇子翊鏐爲潞王 三月壬戌朔

復議膠萊運道給事中胡價往視 集議貢市允行

閣臣力主 復設山東督糧叅政 張元勛署都督僉事

鎮廣東 王親入仕者除同 祖親支外得推陞京秩

韓楫之奏 申明巡按事宜 兵部尚書郭乾致仕 策

貢士鄧以讚等三百九十六人賜張元忭劉城鄧以

讚以下及第出身有差 主考大學士張居正侍郎呂調陽得 劉臺方楊陳薦吳

中行張應元郭子章趙用賢徐貞明丁元復李盛春管志道劉虞夔馮時可劉元震唐堯欽王汝訓耿定

力王祖嫡夏良心唐鶴徵周嘉謨丁應詔邢玠趙燿劉尚志公家臣顧其志李廷儀王象乾孫維城盛訥

陳大科武尚耕孟一脉朱鴻謨李涑石應岳萬世德陳用賓劉楚先丁賓趙世卿黃洪憲蕭彥程正誼周

光錡周應中 都給事中張國彥請召對大臣并錄 皇

考要事二十九條以進報聞錄留覽 起少傅吏部

尚書楊博于兵部太子少保禮部尚書高儀于詹府

陞廣西古田縣為永寧州 改主事吳文佳等為

科道官 巳丑封虜酋俺答為順義王賜勅賞賚及

其子弟部落為都督等官 并議陝西吉能貢市

給事中賈三近勘安國亨 國亨出就 陝西西鄉賊

平 倭入廣東 緝四方游民住京師者 四月壬

辰朔詔江西燒磁器十餘萬 大理寺卿董傳策改

南 親老 便養 甲午河再決邳州 總督王崇古侍郎張

四維被劾 崇古之弟四維之兄以鹽商為巡鹽部永 春所參并參二臣四維請行勘問令免勘

供職崇古亦疏辨許 永春賍蹟兩釋之 南京科道疏罷貢市章下所

司 定各省照熱審減釋徒杖以下罪 都給事中

王之垣上所輯承天基命事實三卷留覽 令諸進

士讀律 王之垣 請之 陞秦鳴雷南禮部尚書 京師六

兩電 左都葛守禮疏官箴士節六事 諭進士使知 遵守從之

五月壬戌朔 起侍郎張瀚巡撫陝西 敘廣西

古田平寇功 提督侍郎李遷僉都殷正 茂總兵俞大猷而下陞賞 薦授陝西

舉人呂潛為國子學正 廣西巡撫殷正茂請修舉

鹽法 謂販鹽在廣西出鹽在廣東行鹽在湖廣官出 資本歲買二百艘時值消息可充歲餉因條入

事行之 戊寅少師大學士李春芳致仕賜勅護歸

京官請告給假堂上官勘明具奏 革漢陽知府孫

克弘職 徐階同邑人遣家人孫伍至京或妄傳為階 所使給事宋之韓計欲中階伍寄宿民家報

予給事中韓楫兩人奄至臥內執之大索資裝求階
事為左驗而伍所持獨克弘所與親故書他無所獲
之韓欲引他事謂階子璠等侵盜本府起解錢糧各
坐以不法并盡捕階家人留駐京師者雜治楫不可
止以伍發兵馬司歸結御史王元賓劾克弘負緣
陞遷坐罷階致書于拱張居正又為之解乃得止

左府逸囚 勅提學官兼詢德行 都御史潘季馴

議保邳州新堤條五事允行 大學士高拱以首揆

辭免部務不允 薊鎮入衛兵即于掣兵之日放歸

免留備冬春 遼東破虜 六月辛卯朔 京師地

震者三 特復張齊為順天通判 科道官周芸李純
朴為齊訟寃并論

刑部尚書毛愷左都王廷阿徐階比附
廷削為民愷追奪原職齊與昭雪補官 督撫出入

更調以歷俸實數考滿 侯代在地
方者勿論 壬寅選趙用賢

等三十人為庶吉士 嘉靖丙戌後一甲不
復入館至是復舊 議任子

陞遷之格 不拘遠方自
藩臬遞遷 許西虜 通貢大酋吉能等

授都督以下官賜勅賞賚 集議宗藩廩祿 奉國

將軍觀燧有罪賜死 獲韋銀豹誅之 銀豹先遠遜
令其黨覓肖

已者斬首以獻至是殷正
茂誘其兄銀站縛致之 順義王俺答入貢 掌

吏部大學士高拱疏保薦考選勿拘出身如議行

孝子節烈十三人 順義王執趙全餘黨趙宗山等

十三人來獻加賞銀幣 推擇苑馬寺鹽運司官

停膠河議 七月辛酉朔 起削籍副使王化惠潮

僉事 以知兵薦限二
年立功補過 改新鄭縣徑隸開封府 大

理寺丞孫丕揚革職嘗劾高拱 己巳 上御殿受虜貢

行慶賀禮賞俺答及其妻諸頭目 許科臣計俸通

考 廣西總兵俞大猷被劾回籍 戊寅開經筵次

日日講 掌吏部大學士高拱以虜款已成乞講邊

備長策從之 定學倉驛遞等職得官本省 賜少

詹事黃佐謚文恪 八月庚寅朔 旌烈婦張氏

兩廣總督李遷陞南刑部尚書代陳其學尋以病歸 許西虜

開市 各軍行糧惟警報調發者得給餘皆以冒支

論 運舟阻滯奪漕鎮撫陳王謨陳烱俸御史張憲

翔催督 南糧就船支放 議開泃河 薊昌敵臺

王成總鎮譚綸戚繼光以次陞蔭 陞殷正茂總兩廣 給事中

雜遵勘明邳州河工 勅諭各邊督撫修邊備 定

薊鎮主客兵事宜募南兵九千南增一人邊兵減一人 九月庚申朔

浙西分巡兼蘇松水利蘇松四府復設副使理糧

稅 復朝鮮使御前舊班引見時定諸夷使臣俱不得至御前以朝鮮恭

順有禮義義特許 壬戌減各處鎮巡官勘合之半 朝審管

兵部楊博主筆先用冢宰至是高拱以閣臣辭改命博 革陝西行太

僕寺苑馬寺寺丞增設少卿與寺卿俱兼憲職分理

中東西三路專屬巡茶御史 禁遼人無得渡海居

山東 申定各邊巡撫及將官職掌都御史劉應箕謂失事同罪嫌

于大苛請兵食不足責巡撫戰守無功責將官都察院覆從之上疑以問楊博謂勅書中各有會同計議之說應箕止以近年失事撫臣得罪獨重故設此論自別于將官不知巡撫亦有旗牌有標兵儼然以將官自處乃欲自異可乎請斟酌地方功罪隨宜參定臨陣有功則總兵官敘在巡撫之上退縮債事虛冒錢糧罪在總兵若巡撫調度失策亦與同罪而勘官隔別差發不用本管地方致有牽碍從之

定薛瑄從祀孔廟列位呂祖謙之下 陞張齊光祿寺

丞 廣東東莞人陳建輯皇明通紀命焚毀其板

增武舉一百十人 三鎮互市事竣

加總督王崇古太子太保餘陞

賞有差推恩內閣力辭

選募南兵 議試海運 奪前南祭

酒姜寶職前南刑部尚書孫植閑住劉世延俸半年

十月庚寅朔 戎政尚書譚綸病歸陞王遴代

番賊犯陝西 漕舟漂沒數多都御史陳炯聽勘

省侍郎以下陞官謝疏 復遣清軍御史 安國亨

求降許之 都御史潘季馴請盜決河防者通行謫

戍

問刑條例盜決在河南山東者謫戍徐邳而下止擬徒至是通行

王國光南刑

部尚書 保定侯梁繼璠王宗沐副都督漕 西虜

貢馬

俺答代進表賞賚之

賜原任兵部尚書毛伯溫許論祭

葬 免南京各衛所掌印官運糧 侍郎張四維回

籍 十一月己未朔 陝西貢市事竣各加陞賞

沐朝弼葬母至南京雲南都御史曹三賜以其怙惡

乞留詔還鎮閑住戒以省改 復徐州洪主事一員

少保大學士殷士儋致仕 京營鎮遠侯顧寰閑

住彰武伯 楊炳代 陳紹儒南工部尚書 甲申朱希忠代

祀園丘次日御殿受賀免宴 俞大猷僉書南京都

督府 十二月巳丑朔 改南尚書王國光戶部督

倉 旌烈婦李氏 給事中蔡汝賢疏請保攝聖躬

時聖容微減 上疏報聞 副使徐學謨原職敘用 巡按雷稽古 劾罷至是撫

按汪道昆等 白其無罪 錦衣都督朱希孝總理東宮侍衛

革陝西新設叅將 虜寇遼東總兵李成梁大破之

總河潘季馴前總漕陳炯開任 雜遵勘 歸所論 癸丑宣

捷致賀加恩閣臣力辭不允餘皆陞賞從厚 治順

永保河水利

隆慶六年壬申正月戊午朔 尚書朱衡兼左副都治

河 築徐州至宿遷長堤凡三百 七十 御史張克家降二

級調外 疏教 皇太子引 程順坐講之說 山東叅政潘允端移駐

淮安理漕務 王宗沐請設仍 革漕運叅將 謝登之南刑部尚書

俺答請給金字番經及麻刺番僧許之 起侍郎

萬恭總河 各鎮積省錢糧賞督撫以下官 兵部

侍郎谷中虛大理卿何寬聽勘 福建叅將王如龍遊 擊金科僉書朱珏被

劾部覆以如龍屬巡 按科珏屬巡撫逮問科珏已從 未減總兵戚繼光移文使押南兵巡按杜化中謂科

珏托繼光私于中虛故委巡撫寬之又私托問 官曲縱遂疏劾坐罪蓋欲陷繼光實無他弊也 定

郵刑官不得辨復問革官吏 改後府採辦柴炭屬

之兵部 陞張瀚南右都掌院 二月戊子朔 改

大同東北路叅將于得勝堡專理互市 添陝西叅

政督糧儲驛傳 設新寧州 屬廣西南寧府 另立廣東舉

劾科條 以捕盜安民為上 虜款量撤防秋擺邊兵及備禦

班軍 定山西互市虜馬民市未盡者官為收買

甲午皇太子行冠禮 乙未 上御殿受賀仍賀

皇太子于文華左門 倭寇分犯廣東陷神電等衛

所 山寇黃朝泰等復起 築大同東路邊牆 庚

子浙江巡按謝廷傑以兩浙經倭疲困請各鎮練主

兵芻召浙兵從之 起張四維原官協詹事府 宣

府修邊工完 改貴州總兵劉顯于四川 時四川郭成勅罷

遣內官蘇杭織造 閏二月丁巳朔 黃台吉掠車

夷革固等帳房 令邊臣詰還之仍令車夷築堡自衛 丁卯 上御皇

極門疾作還宮 議處山東民兵 廣東兵擊倭破

之 復設廣西總兵 陞李錫為之 上疾漸平 右都俞

大猷鎮福建并金温等處 三月三日戊子 皇太

子出閣講書 南戶部主事張振選閑住 抗違堂官為尚書曹

邦輔所叅部覆革職仍通申飭內外所屬 增設廣州海防同知一員

事關軍機者兵科無得貼報諸司疏下未發科者無

得傳寫 旨意 嘉湖水利應天撫臣兼督 延綏

巡撫邵光先繪本鎮形勝圖條五論以進 遼東再

破虜 禮部尚書潘晟致仕 貴州兵破猺賊 督

漕王宗沐上海運七事 巳酉安慶官軍亂操江都

御史張佳胤撫定之 逮指揮楊志學知府查志隆于獄 尚寶卿劉

奮庸疏五事 一曰保安聖躬二曰總攬大權三曰慎乃儉德四曰留心中章奏五曰起用忠直

給事中曹大埜劾大學士高拱大不忠十事 責妄言調

外 高拱疏辨且乞罷慰留之 諸大臣及科道疏

留高拱報允 四月丙辰朔 給事中涂夢桂疏劾

劉奮庸怨望瀆擾程文劾曹大埜設謀傾陷下部高

拱疏請寬宥不許 大埜謫乾州判官 奮庸與國知州 雲南巡撫曹

三賜致仕 考滿疏先一日發益地 遠舊例如此獨被劾 應天府丞丘有

巖奪職 時家若編修曹大埜苑馬卿韓子允詐取民財有巖庇之被劾 戊辰高儀

兼文淵閣大學士辦事 陞呂調陽禮部尚書 復

胡宗憲職賜祭 給事中劉伯燮之奏 廣西猺獞復亂 監利

縣知縣李克敬勦平巨寇 命侯僉事 缺陞用 檢討沈位使

過睢寧卒 運卒所毆 治如律 東宮輟講 仍朔望講官啓請半月內課擬疑議

五月乙酉朔建瓜州關 丁亥大祭方澤 成國公朱希忠

代 廣東海賊李茂破樂會縣 求招降不許 復兩關巡

視御史二員 南贛都御史李棠討平山賊平之

減湖廣秋糧馬價銀十九萬八千餘兩 總督王崇

古上俺答請乞四事許給印撫賞 御史蘇士潤上

薊州諸將補軍多寡之數乞分別勸懲從之 豁軍舍王言

賍旌其妻袁氏 丙午 上不豫 賜俺答鍍金銀

印 始差清江造船主事 設防河舖舍夫役 巳

酉 上大漸召大學士高拱張居正高儀入宮受顧

命 庚戌崩翌日發喪頒遺詔 一七月丙戌上 尊

謚 九月甲午葬 昭陵

國史曰 上天資純粹寬仁大度黜不經之祀罷無用

之作 非藝之征絕無名之獻至如制節謹度好生戒

殺嘗食驢腸而甘及卽位間以問左右請詔光祿寺常

供 上曰若禱則該寺必日殺一驢以備內膳吾不忍

也歲時遊娛行幸諸光祿供御必先期以請候 上旨

為豐約 上嘗裁取最約者歲省費以巨萬計其恭儉

如此言事之官雖震怒然責 後嘗釋遣之畱心邊事

憂形於色穹廬大漠之長慕義來主峭峒憑林之孽俛

頸就縛卽史稱鳴鍾清澗懸首北關未足以喻其烈也

至若守祖宗之法無紛更之煩先儲貳之教為久安之

計皆獨斷宸衷雖享國未久氣象弘遠矣

臣國禎曰 上淵嘿寬懿穆然恭巳于止仁止敬止

孝止慈止信之美無不克兼而又濟之節儉不但土
木禱祀一無所涉并官府自奉恒品亦損之又損身
教所率風俗還醇且信任大臣徐階以先朝遺老正
其始高拱以東宮舊臣厚其終二臣性行不同忠君
幹國之才則一或翕或張並起而收之海內無潢池
之微虜使有涓橋之朝此亦千載一時之盛也我
朝 祖德既濃 天符合湊 武皇十五年之擾攘
不可無 肅凜然收之江湖滔蕩之餘有 肅皇四
十年之禮樂征伐不可無 穆寬然育之天海包羅
之內宛若四氣之循環然雖謂六年之隆慶比于百
年之勝殘去殺可也

補遺

四年六月尚書葛守禮疏土兵隨地訓練勿得掣調

七月罷浙江提學副使林大春 出題 割裂 八月戶尚

書張守直請汰浮餉最甚者 修居庸關 十月仍

加派江南京餉 海瑞 所革 都督陸炳田宅分賜李皇親

五年七月命陝西織造羊絨三萬二千餘匹 九月

山東守臣條安集遼人八議

六年正月戶刑尚書張守直劉自強致仕王國光回

九項記 卷三十六
部王之誥刑部尚書

存疑

登極加恩提調講讀及侍從藩邸諸臣大學士徐階
子瑛尚寶少卿前大學士李春芳部朴俱少保舊講
官大學士高拱少保兼太子太保吏部左侍郎掌詹
事陳以勤禮部尚書兼文淵閣大學士禮部右侍郎
張居正改吏部左兼東閣大學士侍講學士敷士儆
禮部侍郎兼學士其餘王凝尹樂舜劉奮庸吳自峒
周繼藩吳自成等陞陟有差

加恩陞官廕子賞賚是其常也至大學士則必由特
簡另題不在此例

吏部主事部諫臣上六事一皇親宜止本身一衍聖
公遇有親喪宜令守制其襲封所司代奏候服滿起
送承襲服內免其入賀

以上二款一則嘉靖申明舊制行之已久一則從來
如此並未聞有奪情不守制者皆入條陳中其錄者
之悞耶抑未經考訂見衍聖服中入賀而然耶不知
當時如何覆奏部吳人爲袁州推官揭嚴世蕃于巡
江御史林潤市斬藉沒得入吏部

江西巡撫劉光濟奏以嚴世蕃藉沒田土變價充南
贛軍餉

世蕃抄沒已四年矣田房變賣作南贛軍餉當時有
旨豈待今日始請

石星疏入 上怒以爲惡言訕上無禮命廷杖黜爲
民時 上御五鳳樓潛察杖者而中官戒閹吏毋納
給事從人部卽穆文熙恐以杖斃先以義白緹帥身
自掖蔽中官共詈之文熙且詈且掖以出得不死
廷杖何至 聖上自登樓潛察亦必無中官戒閹吏
不納從人之理 穆宗雖舉動簡率然幸舊邸僅隔

一牆傳制况朝門萬目所經之地乎當時爲文熙作
志銘描寫扶掖之功不顧理有無事虛實也

沐昌祚襲黔國公掛印充總兵官賜制勅

沐公世守雲南當 太祖時尚爲西平侯必有符驗
旗牌及火牌以重其權永樂中掛征夷副將軍印討
安南事平卽繳沐晟進封公洪熙初頒征南將軍印
世守凡流官曰掛佩而卽繳亦曰掛雲南與嘉靖中
京營戎政印只曰掌

承運庫火累朝寶器皆燬

承運庫在文華殿之前門皆北面蓋收外來絲絹香

料諸雜物之類凡百寶器分藏于大內諸庫何自而燬

詔先帝時建言被譴者毋得槩行卹錄原任刑部主事唐樞在 先朝以議大獄得罪前吏科都給事中王俊民以議大禮得罪 上登極詔錄建言之臣樞得復職聽用俊民贈官廕子至是浙撫臣谷中虛以樞老請加秩致仕而俊民孫秉禮適到部承廕掌吏部大學士高拱以爲非宜人臣歸過 先帝反其所爲以行已之私臆恐天下之人直以悖逆爲當然願下閣臣議論告天下以醒久迷之人心以開久塗之

耳日疏入 上曰大禮斷自 皇考可垂萬世諫者本屬有罪其他建言亦豈皆無罪者今乃不加甄別盡行卹錄何以仰慰在天之靈覽卿奏具見忠悃諸陳乞並罷吏部仍通行曉諭自後有借例市恩歸過先帝重論不宥

拱奏得 旨卽拱所稟者幸徐階先已卹錄拱未得盡逞其志至李福達之孫李同妖術事敗伏法都御史龐尚鵬有疏請錄當日得罪諸臣 國史不畱一字則又是居正所爲拱與徐階爲仇盡翻其政而居正慕張璁作用護短諱其事蓋拱才勝而不達居正

心深而不弘若韓魏當此必不其然故 國朝相業
畢竟以李長沙楊新都爲勝近葉福清

命以方士王金等獄詞宣付史館高拱言近者審錄
重囚閱方士王金陶世恩陶倣申世文劉大彬高守
忠等獄詞謂金等妄進藥物遂損 聖體比金等子
殺父律謂 先帝是金等所害使 先帝抱不白之
寃于天上畱不美之名于人間伏望勅下法司從公
再訊務見的確然後發詔明其事於天下宣付史館
明其事於後世 刑部尚書葛守禮等奏金守忠習故
陶仲文術左道 惑人世文稱習兵書亦非正術俱應

爲從論第世文 未昇陞賞守忠入京未久稍宜未減
發原籍爲民金 倣世恩文彬例編置口外所流妻子
應赦歸詔如議

拱之論大約顯 徐階之失英明之主好佛好僞信其
術服其藥以致 大故卽唐太宗不免有何不白之寃
不美之名此說 一出至近日紅丸皆以此藉口爲美
談致逆賊不討 忠良受禍蓋當日獄詞只以妖術交
結近侍坐斬不 宜涉及 太上開此釁端借端排陷
以恣其阿附保 富貴之計并春秋一書亦有罪矣

紀事

高文襄原有
作畧改定

隆慶六年正月下旬 上有疾且有腕瘡蓋服熱藥過多所致在理越月稍平以閏二月十二日出宮

皇極門視事既鳴鍾百官入班 上將登金臺忽眩

幾仆左右亟掖起高拱方押班與張居正循階東而

上有內使數輩飛馳傳呼宣閣下於是二臣疾趨至

則 上已下 金臺怒色立諸內使環跪於側 上

見拱至色稍平以手執其衽甚固有欲告語意拱卽

奏曰 皇上爲何發怒今將何往 上曰吾不還宮

矣曰 皇上不還宮當何之望還宮爲是 上稍沉

思曰你送我拱對曰臣送 皇上 上於是釋衣衽

而執拱手露腕以瘡示曰看我瘡尚未落痂也憤恨

語曰我 祖宗二百年天下以至今日國有長君社

稷之福爭奈東宮小裡連語數次一語一頓是一握

拱手拱對曰 皇上萬壽無疆何爲出此言 上曰

有人欺負我對曰是何人無禮 祖宗自有重法

皇上說與臣當依法處治 皇上病新愈何乃發怒

恐傷聖懷 上不荅良久歎語拱曰甚事不是內官

壞了先生你怎知道於是執拱手行至 皇極門下

丹墀 上呼茶於是內侍設椅北向不坐乃移南向

始坐而執手不釋如故茶至以左手飲數口顧拱曰
我心稍寧遂起由東角門入至 乾清宮門拱不敢
入 上牽手曰送我既得 旨乃敢入隨至寢殿

上升榻坐猶執拱手蓋自御路前至此皆執手未釋
顏色相顧眷戀之情藹然其相信相倚如此時張居
正朱希忠皆榻前叩頭 上猶執拱手拱鞠躬膝側
不得下叩頭跼蹐不安之甚 上見如此乃釋手始

得下叩頭又與二臣同叩頭辭出 乾清宮門外候

旨須臾內侍傳閣下二臣復入候立寢殿丹墀有

旨上來遂上 殿至榻前 上已升座二臣跪承

旨 上從容曰朕一時恍惚又曰自古帝王後事

下二句聽不真 意是預備後事 卿等詳慮而行拱等叩頭出仍在

乾清宮門外候 旨相顧慘怛須臾內侍傳 旨着

高閣老在宮門外莫去拱即語居正曰我畱公出形

跡輕重難爲公矣公當同畱吾爲奏之隨語內侍曰

奏知 皇上二臣都不敢去薄暮內侍傳 旨閣下

着在乾清宮門外宿拱即內侍奏上曰 祖宗法度

甚嚴 乾清宮係大內外臣不得入晝且不可况夜

宿乎臣等不敢宿此然不敢去當出端門宿於西闕

內臣房有 召即至有傳示即入對舉足便到非遠

也 上允之於是二臣乃就西闕內臣房宿拱夜不能寐披衣坐候掖門開卽入候起居日數次明日亦如之旣傳 聖體稍安卽上劄子曰臣聞 聖體稍平不勝慶幸今府部大臣皆尚 朝宿不敢散宜降旨令各回辦事以安人心而臣等仍晝夜在內不敢去當擬 旨上請 上以爲然卽時降 旨百官皆散人心少定而拱等日問安如初又四日 上覺益平愈問安札子有 御批字皆喜 上遣內使慰勞命還家於是乃還 三月三日 上復出視朝 聖容漸瘳居正知不能久拱所恃 上眷一失所倚可

取而代乃密結馮保爲內主京師人曰徐爵者黠甚保所信用藉之交關喘息相通且交以盡忠報國爲言今根抵已固遂與拱時時相競嗾所善給事中曹大埜劾拱大不忠十事首言 聖體違和拱言咲自

若過姻家曹金飲酒作樂 上大怒調外拱求去不允此際不但內嫌且成顯隙拱不能堪薦高儀入閣儀與拱同年同心引爲助且冀以間之然非居正所畏也 五月二十五日 上大漸未申間有 命召

內閣拱居正儀亟趨至乾清宮遂入寢殿東偏室見上已昏沉不省 皇后 皇貴妃擁於榻 皇太

子立榻右拱等跪榻前於是太監馮保以白紙揭帖
授皇太子稱遺詔又以白紙揭帖授拱內曰朕
嗣祖宗大統今方六年偶得此疾遽不能起有負
先皇付托東宮幼小朕今付之卿等三臣同司禮
監協心輔佐遵守祖制保固皇圖卿等功作社稷
萬世不泯拱讀既慟不能勝卽哭奏曰臣受皇上
厚恩誓以死報東宮雖幼祖宗法度有在臣務
竭盡忠力輔佐東宮如有不得行者臣不敢愛其
死望皇上無以後事爲憂且奏且哭已大慟不能
止兩宮亦皆失聲哭於是二內臣扶拱起遂長號

以出蓋顧命惓惓乃在閏二月執手之時至是已不
能言矣二十六日卯初刻上崩三臣在閣聞報皆
哭拱尤悲切屢頓足曰十歲的太子如何做得皇帝
馮保素憚拱彊直難與言卽遣小監飛報兩宮曰
高閣老呼太子爲十歲的孩子做不得皇帝
兩宮皆訝之太子在側色變蓋拱雖厚待居正恃
氣行行握吏部權張以言餽覺之猜防積釁與保久
爲首尾此時得聞以一孩字種毒不可解矣是日已
刻傳旨着馮保掌司禮監印二十七日馮保打出
一報開遺詔與皇太子朕不豫皇帝你做一應禮

儀自有該部題請而行你要依三閣臣并司禮監輔導進學修德用賢使能無事怠荒保守帝業報出人心甚駭以爲宦官安得受顧命且此詔今上領受矣保安得取而行之拱謂二遺詔皆居正所爲以心腹吏姚曠持揭帖爲據三月十六日忽報上疾重閣下宜赴宮門候宣拱居正卽趨入至恭默室迤北有居正心腹吏姚曠手持紅紙套內有揭帖半寸許厚封緘完固自後飛走而過拱問送與何人曠答云與馮公公卽疾馳而入蓋不知其主人瞞我而遂直言之也拱卽問居正是何所言居正面赤惶怖遠答云乃遺詔事宜耳拱默然以爲我當國凡事當自我同衆而處獨奈何於斯際而有私言於保乎此中必有播弄之事故瞞我而私言之也待看待看至是拱奉遺詔又得皇太子遺詔皆有同司監之說不知其密謀私計通使乃知居正蓋爲馮保謀也

往來已非一日豈待此而始見哉拱見二人表裏相應事且有變六月初八日上登極卽陳緊切事宜以禪新政事一祖宗舊規御門聽政凡各衙門

奏事俱是玉音親荅以見政令出自主上臣下不敢預也隆慶初閣臣擬令代荅以致人情玩愒甚非事體昨皇上於勸進時荷蒙諭荅天語莊嚴

玉音清亮諸臣無不忭仰當日卽傳遍京城小民亦無不歡悅其所關係可知也若臨時不一親荅臣下必以爲上不省理政令皆他人之口豈不解體今後令司禮監每日將該衙門應奏事件開一小揭帖明

寫某件不該答某件該答某件該某衙門知道及是知道了之類 皇上御門時收拾袖中待各官奏事取出一覽照件親答至於臨時裁決如朝官數少奏請查究則答曰着該衙門查點其糾奏失儀者重則錦衣衛拿了次則法司提了問輕則饒他亦須親答如此則政令自然精彩可以係屬人心伏乞 聖裁

一 祖宗舊規視朝回宮之後卽奏事一次至申時又奏事一次內侍官先設御案請看文書卽出門外侍 御覽畢發內閣擬票此其常也至隆慶初年不知何故不設覽本御案司禮監官奏文書 先帝

止接在手中畧覽一二亦有全不覽者夫人君乃天下之主若不用心詳覽章奏則天下事務何由得知中間如有奸宄欺罔情弊何以昭察已後乞 命該監官查復舊規將內外一應章奏除通政司民本外其餘盡數呈覽覽畢送票票後再呈覽果係停當然後發行庶下情得通奸弊可燭而 皇上亦得以通曉天下之事臣等又思得各衙門題奏甚多難以通篇逐句細覽其中自有節要之法如各衙門題覆除前一段係原本之詞不必詳覽其擬議處分全在案呈到部以後一段乞 命該監官每日將各本案呈

到部去處夾一小紅經籤 皇上就此覽起則其中
情理及議處當與不當自然明白至於科道及各衙
門條陳論劾本則又須全覽乃得其情伏乞 聖裁
一事必面奏乃得盡其情理况 皇上新政尤宜
講究天下之事始得周知伏望于每二七日臨朝之
後御文華殿令臣等隨入叩見有當奏者就便陳奏
無則叩頭而出此外若有緊切事情容臣等不時請
見其開講之時臣皆日侍左右有當奏者卽于講後
奏之如此則事精詳情無壅蔽不惟 睿聰日啓亦
且權不下移而諸司之奉行者當自謹畏不敢草率

塞責矣伏乞 聖裁 一事必議處停當乃可以有
濟而服天下之心若不經議處必有差錯 國朝設
內閣之官看詳章奏擬 旨蓋所以議處也今後伏
乞 皇上一應章奏俱發內閣看詳擬 上進若不
當 上意仍發內閣再詳擬上若或有未經發擬徑
自內批者容臣等執奏明白方可施行庶事得停當
而亦可免假借之弊其推陞庶官及各項陳乞與一
應雜本近年以來司禮監徑行批出以其不費處分
而可徑行也然不知推陞不當還當駁正與或事理
有欺詭理法有違犯字語有乖錯者還當懲處且內

閣係看詳章奏之官而章奏乃有不至內閣者使該部不覆則內閣全然不知豈不失職今後伏望 皇上命司禮監除民本外其餘一應章奏俱發內閣看詳庶事體歸一而奸弊亦無所逃矣伏乞 聖裁

一凡官民本詞其有理者自當行其無理者自當止其有奸欺情弊者自當懲治未有畱中不出之理且本既畱中莫可稽考則不知果經御覽而畱之乎抑亦未經御覽而畱之乎是示人以疑也又或事係緊急密切而有畱中者及至再陳豈不有悞今後伏望 皇上于凡一切本辭盡行發下倘有未發者容原

具本之人仍具原本請乞明旨其通政司進封外來一應本辭每當日將封進數目開送該科備照倘有未下者科臣奏討明白如此庶事無間隔而亦可遠內臣之嫌釋外臣之惑其於治所關非細伏乞 聖裁疏上保果不悅又不送閣從中票出曰知道了遵

祖制蓋不納之辭也拱以爲今日新政之始輔臣百官之首此疏第一之疏而保卽作梗如此若不明正其事則自茲以後必任其所爲不復可與爭者於是又上疏曰先於本月初十日恭上緊切事宜五件仰禱新政今日伏奉 御批朕知道了遵 祖制臣

六政記 卷三十六
等竊惟五事所陳皆是 祖宗已行故事而內中尚有節目條件如命司禮監開揭夾籤盡發章奏如五日一請見如未蒙發擬者容令奏請與夫通政司將封進本辭送該科記數備查等項皆是因時處宜之事必須明示准允乃可行各衙門遵行况 皇上登極之日正中外人心觀望之際臣第一條奏即未發票即未蒙明白允行恐失人心之望用是臣等不敢將本送科仍用封上並補本再進伏望 皇上鑒察發下臣等擬票臣等如敢差錯自有公論自有 祖宗法度其孰能容臣等無任仰望之至於是保無可

奈何乃將先本畱內而以補本發下擬票擬曰覽卿等所奏甚於時政有裨具見忠藎都依擬行是時中外臣民皆知二人交結爲奸方爲危懼又見保矯旨掌司禮監印而登極之日侍班科官親見保自升寶座上立傳出外無不駭愕及聞拱疏不發票擅自批出則駭懼益甚於是六科等官程文維遵陸樹德等十三道劉良弼齊劾保奸狀不報十六日拱在閣居正稱病不出有 旨召內閣五府六部衆皆至居正獨遲使者旁午於道既乃扶曳而入拱尚不知其計謂曰今日之事必是爲昨科道本有問我當對必

以正理正法爲言言必忤意公可就此處我去則無
事矣居正佯驚曰公何發此話於是太監王綦捧

旨出各官皆跪綦曰張先生接 旨意居正接受展

閱則內開云 皇后懿旨 皇貴妃令旨 皇帝聖

旨說與內閣五府六部等衙門官員我 大行皇帝

賓天先一日召內閣三臣在御榻前同我母子三人

親受遺囑說 東宮年小要你們輔佐今有大學士

高拱專權擅政把 朝廷威福都強奪自專通不許

皇帝主管不知要他何爲我母子三人驚懼不寧

高拱便着回籍閑住不許停畱你每大臣受國家厚

恩當思報 主如何只阿附權臣篋視 幼主姑且

不究今後都要洗心滌慮用心辦事如再有這等的

處以典刑於是各官愕然皆叩頭起拱復獨叩頭以

出卽日覓驢車宿城外居正又爲請給驛以行而事

又一變矣

大政言

卷三十六

三

